



Universitätsbibliothek Paderborn

Synopsis Magnalium Divi Josephi

Ignatius < a Sancto Francisco >

Leodii, 1684

Sect. 1. Patrocinium D. Josephi conversione eorum qui erant in peccato mortali.

urn:nbn:de:hbz:466:1-38500

effectibus & miraculis, quæ Deus ad illius invocationem ubique gentium in favorem Clientum suorum ad eum piè & fiducialiter recurrentium operatus est, & passim leguntur apud probatæ fidei Authores: quæ proinde hic coacervare esset supervacaneum, si tamen fieri posset, quod non crediderim, quis enim eorum numerus? & quis omnes liberos habet? aut omnia quæ in dies ubique gentium sunt & facta sunt novissime potest? quot denique facta sunt quæ non sunt scripta? aut quæ etiam tacita sunt à malè verecundis? vel silentio obruta ab in gratis?

VII. Itaque hic non singula generum referam, sed solum genera singularum delibabo, ex quibus Lector Cordatus, sentiet sibi satisfactum & se fatebitur de hac veritate abundè convictum. Et primò quidem cum anima potior sit quam corpus, & in favoribus corporalibus Sancti principaliter respiciant ad bonum animæ, ideo primò de favoribus qui respiciunt animam, & deinde de illis qui respiciunt corpus.

VIII. Pro anima, primò de ipsis auxilio pro spiritualibus & signanter pro conversione corum qui erant in statu peccati: Secundò, de auxilio per ipsum præstito contra tentationes & pericula cadendi in peccatum. Terriò, de ipsis auxilio pro acquirendis virtutibus & perfectione. Pro corpore, de miraculis exterioribus & corporalibus ex omni genere aliqua ordinatè per Classes.

C A P U T V.

Patrocinium Divi Josephi in spiritualibus & signanter in conversione eorum qui erant in statu peccati.

I. **P**ECCATUM mortale ideo dicitur mortale, quia est mors spiritualis animæ: privat enim ipsam Deo seu gratiæ ejus, quæ est vita illius spiritualis: peccata vero venialia imperfectiones

mali habitus, passiones indomitæ, vocantur à nobis, & revera sunt tantum infirmitates, seu morbi spirituales animæ, quia stare possunt, & stant de facto cum gratiâ Dei: periculosi sunt tamen, quia ut morbi corporales alias curabiles, si negligantur, sunt sapè mortales, ita & peccata venialia, & mali habitus, & passiones negligentes, mortem animæ adducunt: contra utrumque efficacissimum esse Divi Josephi patrocinium, licet constet ex rationibus in præcedentibus tactis, idipsum tamen probemus adhuc exemplis, seu ab effectibus.

SECTIO PRIMA.

Patrocinium Divi Josephi in conversione eorum qui erant in peccato mortali.

Liberari à peccato mortali quantum sit favor, quis benè estimare aut explicare poterit? impossibile est nisi ab eo qui benè experderit, quam sit ille miser qui est in peccato mortali invisus Deo.

Porrò ut hoc benè percipiatur tria potissimum expendenda sunt: Primum, quid sit peccatum mortale? Secundum, quæ poena ei debita? scilicet eterna, & quam illa justa? Tertium, quam lubrica vita à qua pender ista Æternitas?

Pro primo: Notandum Deum habere in hominem duplex dominum, proprietatis unum, jurisdictionis alterum: Primum ei competit ex hoc quod eum sicut cætera creavit: quid enim magis propriū aliquam opus suum opifici, si ab illo ut ars, ita sit & matres? ac deinde ex hoc quod illum indesinenter influendo conservet, in ipso enim vivimus, moveamur & sumus, inquiebat Athenis Apostolus, Act. cap. 17. vers. 28. Neque enim sicut structuram Edium cum fabricaverit quis abscedit, atque illo cessante & abscedente stat opus ejus, ita mundus vel iœtu oculi stare poterit, si Deus ei regimen sui substraxerit, inquit D. Augustinus lib.

lib. de Genes ad litt. cap. 12.

V. Ex hoc primo Dominio connexione omnino necessariā sequitur secundum respectu hominis ut & Angelorum, cuius illi soli sunt capaces, quod est Dominium Jurisdictionis. Ex hoc enim quod fecerit illos Deus compotes rationis, sequitur quod possit eis præcipere, vel verare quæcumque volunt, & quod illi teneantur ei obedire; ac si abnuant supplicia, vel si annuant præmia irrogare.

VI. Quæ cum ita sint, quæ ergo perversa, ei cuius es totus, cui quidquid es debes, & qui sibi quis facere potest in promptu, obedientiam denegare? Sed qua injuria? quæ contumelia, illum qui summum bonum est, cuius possessio tibi si obedieris re promissa est: *Ero merces tua magnanimis*, Genes. cap. 15. vers. 1. ita contemnere, ut quasi bonitas vilis creaturæ plus esset & valerer, hanc illi præferas? & hoc in ipsius oculis, in ejus sinu, & brachiis, cum sit ubique præsens? quin ita proculatâ Dei reverentia, proh facinus! ut facultates tuas, membra, sensus omnes ab ipso tibi donatos, in illum armes, illorum ministerio in ipsum pugnes, & invitam, ut ita loquar, Dei manum inexplicabili insolentiâ trahas in scelustuum, & applies actionibus quibus peccatum implicatum est, ac sanctitati infinitæ, quantum in te est, irroges societatem culpæ, insigni illius ludibrio? quid atrocius tali sceleri? quid sceleratus tali attentato? & interim ludis, jocaris, tides, dormis, ac si vel Deus nihil in te auderet, vel nihil posset, vel nihil malum egisset: ubi est mens tua?

VII. Si quispiam modo Regiam ingredetur, Regemque ipsum districto gladio impetreret cum interfectorus, sed Rex de manibus ejus crepus esset ne quidquam mali paflus, quid dices si post tantum facimus nihil hic homo curaret, non fugeret, non se absconderet, sed per medianum Regiam securus obambularet? nonne hunc insatum crederes? audi ergo & cognosce peccator insane insaniam tuam, qui tamen sapiens es in oculis tuis, quid te egisse putas quando peccasti? nihil te putas fecisse? Deum conatus es occi-

dere, & in te occidisti, & quantum est in te interemisti. Quomodo hoc audi, creaturam plus dilexisti quam Deum, eam ipsi prætulisti, eam tibi reputasti majus bonum quam Deum, quem pro ipsa sprevisti ci dedisti in corde tuo locum primum, eam fecisti Deum tuum: & cum duo Dii esse non possint, quantum in te fuit eam Deum tuum constituens, Deo abstulisti divinitatem & vitam: Deus tamen adhuc vivus perseverat, non ei nocuisti: & nihil times? & securus es? o stulte! o infane!

VIII. Quæ verò sit futura poena talis attentati (quod est secundum expendum) nonne, ex tuâ ipsiusmet ratione, summa? sed summa tripliciter: summa poena damni, summa poena sensus, summa urruisque duratio: omni bono privatur justè qui Deum summum bonum ita insolenter contemptit: Sub omni malo gemit, & in eum omnis creatura justè armatur qui ita in communem creatorum protinus esse ausus est. Sed quid horribilis in iis, quam ipsorum interminata Æternitas roties Scripturæ Sanctæ verbis, miraculis, Angelorum, dæmonum, animarum apparitionibus inculcata?

Finge ergo tibi quantasvis sæculorum revolutiones, extende intellectum quam longissimè potes, numeros complica, replica, multiplica, & quidquid Arithmetica concipere potest congere: postquam numeros omnes sæculorum consumptis, adhuc supererit dimetienda tota Æternitas, & etiam postquam ista toutes complicata, replicata, multiplicata ter centies millies triplicaveris. O Æternitas nunquam, nunquam consumenda!

Quam horribilis est ista poena, sed & X. quam justa! Audi Divum Augustinum Epist. 49. ad question. 4. ubi haec habet: *Quia eternum voluit habere peccati perfruptionem, eternam invenias vindictam severitatem*. Quomodo hoc inquires? voluit peccator si non expressè & explicitè, inquiunt Theologi, saltem implicitè & interpretativè; seu sic egit, ac si vellet æternum peccare: nam qui momentanea libidine occuporum

lorum aut carnis, aut vindictæ, aut famæ & honoris, usque ad patrandum crimen se tradidit, multò magis ejusmodi libidinem desideratus erat si æterna fuisset: merito igitur æternū punitur qui æternū peccare voluit: Ita ferè D. Thomas 3, contra Gentes cap. 144, cui Doctrinæ consonant verba D. Gregorii Magni lib. 34. Moral. cap. 16. *Volnissent utique peccatores, inquit, sine fine vivere. ut potuissent sine fine in iniquitatibus permanere.* Ad disticti ergo iudicis justitiam pertinet, ut nunquam careant supplicio, quorum mens in hac vita nunquam voluit carere peccato, & nullus debetur in quo terminus ultioris, qui quamdiu valuit, habere noluit terminum criminis.

XI. Rectissimè igitur ad eam cogitationem intendens Beatus Francus Senensis Ordinis nostri Laicus pronunciabat tam horribilem esse damnationem, ut quamvis ex tantâ hominum omnium temporum, omniumque locorum multitudine, unicus tantum esset damnandus, omnes tamen merito sibi deberent metuere, ne forte pse esset miser & infortunatus ille: quid ergo nunc quando audivimus de ore Dei? *Multi sunt vocati pauci verò electi.*

XII. Jam verò quām lubrica est vita à quā pendet ista Æternitas! quod est tertium expendendum, ut quam miser sit ille qui est in peccato mortali perficiatur. Consideremus hominem per asperissimum quandam clivum præcipitari, in cùjus imo sit fovea Leonibus plena famelicis & ad hanc escam angelis: in ipso tamen præcipio herbulam quandam arripuisse, à quā retinetur quasi suspensus, quam mus arrodit, & quā fracta miser ille ruet devorandus: quam miser ille! & quānam quæsto illius hic angustia? Sed o quā status peccatoris est horribilis præcipitum & cùjus exitus est Inferni pelagus, igne plenum terribili, utpote cui datum est urere, & negatum absumere; quem dæmones avidi ore hiante expectant ad prædam, nec quidquam impedit quin absorbeatur nisi modicum vita hujus cui adhæret. Sed qualis vita? vitrea, aut fragili herbæ similis. Testantur tam multi, quos tam frequenter, & tot modis vidimus,

& viderunt alii subito & ferè in istu oculi mori.

Quam multis contigit quod Soli: XIII. Sol in suo circulo pergens, spatiū illud peragit longissimo tempore nimis trecentis sexaginta quinque diebus & sex horis. Sed ille idem cursum suum ab Oriente in Occidentem motu raptus, quo à primo mobili rapitur, uno die absolvit: nos coeci metimus vitam nostram juxta cursum quasi naturalem qui est septuaginta vel circiter annorum juxta Prophetam psalm. 89. versu 10. & 11. *Dies vita nostra septuaginta anni, si autem in potentiaribus octoginta & amplius eorum labor & dolor.* Nec attendimus ad motum raptus, quò sàpè violenter & in momento abtipimur: Juvenes cogitant se diu posse vivere, & non cogitant se posse cito mori: attendunt ad proprium & naturalem Solis cursum, qui facit annum, non ad violentum qui facit diem tantum.

Ex his aliquo modo colligere licet, XIV. quām sit miser ille qui est in statu peccati mortalis: quare cum peccator eo nunquam emergere possit, nisi Deus der, cum cum sibi exosum fecerit per peccatum, collige quanti faciendum sit Patrocinium Divi Josephi, quod tantæ efficacia est maximè in hoc genere, ob jus illud particulare, quod habet in salutem à Christo filio suo operatam. De quo supra cap. 2. Exempla nunc istius Patrocinii profera-

Viro cuidam perquam honesto filius erat valde dissimilis, cajus disoluti mores nihil mitius parentibus, quām ingentes molestias: Familia, quām dedecus pollicebantur. Mater autem videns filium suum à suis cupiditatibus per devia vitiorum abrepsum, nullis cūjusquam admonitionibus ad rectum callem posse reduci, tandem ad Sancti Josephi recurrit auxilium, quod & invenit. Novemdiagrammum assūmūt devotionem in ejus celebri Antuerpiæ Sacello Facentino ob-eundam: quā expletā continuò cœpit ille perditus in alium hominem mutari, & inolitas pessimæ vitæ consuetudines, in pios castosque mores convertere: Et ut cœpit ita continuavit, ac

ac deinceps defuncto Patre, Matri magno fuit solatio, professi uterque nullas satis magnas à se posse Divo Josepho referri gratias. Ita Omazurinus in libello Teuronico de Sancto Josepho, ejusque Antwerpia cultu ibidem edito anno 1662. & alii.

XVI. Reverendus Pater Barri è Societate Jesu in Tractatu seu libello Gallico, de Devotione erga S. Josephum vulgariter primum anno 1639. ac deinde saepius recuso: Animabus, inquit, quas peccata à divinâ amicitâ alienas, & æternæ damnationi obnoxias reddunt, auxiliatricem manum amat S. Josephus invocatus porrigit: Novi enim, inquit, quemdam Societatis nostræ Religiosum, qui aliquos amicos suos rogavit, secum ut novenam instituerent Sacrificiorum & Communionum ad honorem Sancti Josephi, eo fine ut Deus ob merita ejus propinquum suum Cognatum Sacris Ecclesiæ mysteriis addictum, ab inordinata vita revocaret licentiam, in qua quartum jam quintumve annum voluntabatur, nullis cuiuscumque monitis ad sui status decorum revocabilis, ita dæmoni mancipatus erat: valuit pia Cognati sollicitudo perditio illi ad salutem: dum enim Sacrificia, Communiones, preces obeunt conjunctim rogati, ita ut noster optaverat, rogaverat, & speraverat; accidit: gravissimâ infirmitate lecto affixus est, qui vitiis suis immeritus catenùs assurgere nouerat: ut verò mortem sibi instantem vidit, extremis muniendus Sacramentis, concepit melioris vita desiderium; & ut propositum seriâ protestatione firmavit, convaluit sine morâ; atque decretit deinceps se & sua omnino addicere uni divina gloria promovenda, in negotio quodam quod tum tempotis Parisiis maximi momenti agebatur, in quo etiam nunc ad finem optatum illud urgendo strenue perseverat, intrâ modestia extrema, suoq[ue] characteri congrua terminos. Hæc mirabilis convertio, inquit P. Barri citatus, contigit Parisiis: accipe aliam quæ Lugduni.

XVII. Juvenis quidam honestæ conditio-
nis, usque adeò deditus erat pietati, ut
divino servitio se usque ad mortem

mancipare per ingressum in aliquam Religionem constituerit: sed cum in hoc à parentibus aliud spectantibus præpeditum se videt, ita paulatim à primo fervore, mox etiam à Dei timore deflexit, ut demum in pudenda barathrum libertatis præceps sit devolutus, assumens cum militari baltheo quidvis audeundi patrandive fiduciam: affixit ea res: uti debuit, parentes; non usque adeò Dei immemores, ut nullum de filii sui salute periclitante curam gererent: multiplicant [epistles] quibus illum ad se revocent, elegant amicos, tentant omnia, sed in cassum, surdo enim canebat fabula: Consilium ergo capiunt invocandi in auxilium S. Josephum omnium auxiliatorem, & vix cœperant, cum ecce intra triduum redit ad Patrem perditus ille, ut prodigus delictorum paenitens, petitâque humillimè & obtentâ à parentibus suis ante actæ vitæ venia, morum emendationem magnâ illorum consolatione exhibet.

Idem Pater Barri ibidem Lugduni, XVIII, inquit, in Ecclesiâ nostrâ Sanctissimi Domini nostri Nutrio dicatâ, Tabela certatur ex pia mulieris voto appensa, quæ moderandis viri sui excessibus, aliud nullum remedium inventiens, pluribus frustra tentatis, Sancto Josepho maritorum omnium moderatissimo advolvitur: eiique se voto obstrinxit, nec inutiliter: hic enim viri ejus animum tam potenter immutavit, ut suæ deinceps uxori fidelis, nunquam amplius ad impudicæ vita consuetudinem redierit, notus antea publicus adulteri.

Idem quoque Pater ibidem: Quædam persona, inquit, cum intellexisset me hunc librum (idest de devotione ad Sanctum Josephum) meditari, pro eâ quam in me habet fiduciâ, ingenuè per litteras fassâ, quod cum in materia gravi, & votum suum concorrente, haud leviter deliqueret, inducere animum non potuerit ut peccatum confessione expiatet. Igitur ut hanc mali pudoris rebellionem vincaret, proposuisse ad dies novem hymnum cum oratione de Sancto Josepho recitare, quo facto expeditam secessit ad peragendam debitâ cum integratâ

omnem

Synopsis

576 Synopsis Magnalium D. Josephi,

omnium peccatorum suorum exomologesim: Ex indeque proposuit iugiter penes se habere aliquam ejus imaginem, etiam noctu adversus impura somnia quibus vexabatur, quod sibi mirabiliter profuisse proficeret.

SECTIO II.

Patrocinium Divi Josephi in morte.

XX. Cum in hoc præcipue momento periclitentur homines, in agone certantes, tum quia tunc non est nobis colluctatio adversus carnem & sanguinem, sed adversus Principatus & potestates, adversus mundi Rectores, tenebrarum harum, contra spiritualia nequit in cælestibus: tum quia tunc agitur de summâ rerum omnium, ita quod in quamcumque partë ceciderit homo in eâ manabit in æternum: Favor in hoc momento pro felici morte obtinendâ præstitus, non tam affinis est præcedenti, quam illius finis, perfectio, & complementum: Quid enim nobis profuisset in virâ à statu peccati aliquando Divi Josephi ope ad gratiam resurrexisse, si in fine contingereret vel à morte repentina in peccato præoccupari, vel in ipsâ morte tentatione fractos in peccatum protueret? ergo hic favor fuit ex congruentia præcedenti assuendus.

XXI. Communis est omnium Orthodoxorum sensus Sanctorum cum Deo in Cœlis regnantes, qui non tantum in charitate fundati & radicati, sed etiam consummati sunt, particulariter ferri, ut nobis à Deo carum gratiarum communicationem procurent, quibus à Deo specialissime in terris gratificati sunt: At qui inter potiores gratias quas Divus à Deo recepit Josephus, una è majoribus hac fuit, quod ei morienti adstitit Jesus, quod inter ejus brachia expiravit, quod longè verius & proprius quam Moyse in oculo Domini mortuus sit. Hinc de eo sic Ecclesiastici in Hymno ad Laudes,

O nimis felix, nimis ô Beatus,

Cujus extremam, vigiles, ad horam

*Christus, & Virgo simul astiterunt
Ore Sereno.*

ideoque non potest aliter fieri quin salutaris nobis futurus sit frequentissimus ad eum recursus pro impetranda per ipsum efficacissimam intercessionem aliquâ istius gratiae participatione.

Quare cum scire nequeamus quis dies futurus sit vitæ nostræ lapsum, & cum nobis optemus abs dubie felicem, nullus nobis prætereat, in quo non ei preces alias officiis ejus parvum, Litanias, vel Rosarium, vel saltem hanc oratiunculam. Sancte Joseph Pater JES V ora pro nobis peccatoribus nunc & in horâ mortis nostrâ, Amen. cum devotione & fiduciâ offeramus, ut ejus interventu præcipuum & ultimum istum divinæ misericordia effectum obtineamus, ut, inquam, morte moriamur justorum in gratiâ & amiciâ Dei.

Quâm hoc utile sit & efficax exper. XXIII sunt quam plurimi, inter quos Eques quidam Venetus, de quo Isidorus Iolanus part. 4. cap. 10. & alii scribunt solitum ante Divi Josephi imaginem preces exsolvere quotidianas: cum tamen aliundè vitam satis dissipatam ageret: ægritudine lethali hic contripitur: ac dum medicina corporis magna sollicitudine præparatur, animi ægritudo longè periculosior negligitur: Morbo ingravescente, horrantur afflentes ut conscientiam suam confessione diluat, frustra tamen ob habitualis sceleris pertinaciam: sed desperato adestr oportunè Divus Josephus qui miserum istum jam jam expiratum, & ab inferno absorbendum ad sanioriem mentem revocat, ei enim se visibilem reddens, corripit duritiam cordis, & poenæ æternæ capit cùs imminentis objectu percillit ad penititudinem: horret ad statum suum miserum ille Eques, confortat illum Divus Josephus: cui ille bene monenti obtemperans, Sacerdoti crimina cum dolore acerrimo aperit, lachrymis abluit: Quo facto mox animam Divo Josepho Sospitatori suo tradit ad superos deferendam.

Aliud refert exemplum hujus XXXII Clavis P. Joannes Jacquinot Jelita in libello